

50
Выдавництво товариства „Просвѣта“ въ Ужгородѣ.

Ч. 1.

63882

8-2803/1.

ЧТО ТО ПРОСВѢТА ?

Написавъ: ВАСИЛЬ ПАЧОВСКІЙ.

Цѣна: 1 корона.



35
КНИГОПЕЧАТНЯ АКЦІЙНОГО ТОВАРИСТВА „УНІО“ ВЪ УЖГОРОДѢ 1920.

ЧТО ТО ПРОСВѢТА ?

Ой двѣнь двонить, зоря сходитъ !
Зорейко, ясна зорейко,
Ой засвѣти-жь ты намъ пораненько !

Народна пѣсня 'зъ
Пѣдкарпатскоѣ Руси.

Тысяча зъ половиною лѣтъ бывае нашъ народъ на тѣй земли, что днеська. Колись бывъ онъ богатый, та веселый, а днесъ исхудобнѣвъ и пропала веселость у него. А все черезъ то, что чужіи свѣтовцѣ, татаре, турки, та жидове присѣли на него та исказили му радѣсть, забрали землю та услѣпотили ему ясній очи. Слѣпый тотъ нашъ тѣсный народъ весь та не знае, что належиться ему и что онъ бывъ колись газда на сей земли. Такъ треба якоись чарѣвноѣ воды ему пріобрѣсти, обы онъ на очи прозрѣвъ, избебывся хвороты та справився назадъ чоловѣкомъ, что твердо радуеся житю и умѣе его хосновати собѣ на счастья, а свѣту на славу.

Никто ему не поможе, якъ онъ самъ не пріймется полѣвити собѣ въ тѣй потребѣ на нуждѣ та завернути идъ намъ бывшу радость. А може то пріобрѣсти, кой утворить на Пѣдкарпатскоѣ Руси свое товариство „Просвѣта“.

Тото товариство „Просвѣта“ бѣде усиловатися на то, чтобы трудный народъ нашъ весь изпознався, чого ему триматися, что ему належитися, на яку путь пѣйти, чтобы онъ ставъ зновъ паномъ, газдою, господаремъ на своей землѣ, якъ переже бывъ. Мае ему розоперти оконце и пустити свѣтло на очи, полудити его на нову путь красшоѣ долѣ, что переже была середъ нашимъ народомъ.

Ой не такъ то колись было на нашѣй землѣ. Забили его въ темну темницю вороги, что теперь якъ богатѣ, ученѣ гордо ходять та испозирають на насъ зъ горы на нашѣй земли.

А чей товариство „Просвѣта“ зможе ему розоперти оконце и пустити свѣтло на очи та полудити его на нову путь красшоѣ долѣ, что переже была, абы онъ самъ собѣ правивъ счастья на своей земли, якъ се было за князѣвъ нашихъ.

Такое товариство „Просвѣта“ заосновали наши земляки въ Галичинѣ ще 1868 року. Оно научало и навчае народъ, чого ему потреба, чтобы самъ народъ ставъ господаремъ на своей землѣ. Сесея „Просвѣта“ у Львовѣ, въ Галичинѣ основалась на взѣръ чешскоѣ „Matice Lidu“ и до неѣ записалоса спершу лишъ 72. члены. Но она стала выдавати книжочки для народу и книжки для молодежи до науки въ школахъ на народнѣмъ языцѣ.

Давнѣйше и въ Галичинѣ учили дѣтей на незрозумѣлѣмъ языцѣ, что нимъ никто не говоривъ. И складали его зъ народного говора изъ церковными окѣнчаніями и московскими словами — и такъ утворили такъ званное „Язычіе“.

Тото „язычіе“ оставила „Просвѣта“ и выдавала книжки такимъ языкомъ, якимъ говорить нарѣдъ по селахъ. За то дѣти въ школѣ яли скоро учитися, бо розумѣли каждое слово въ книжцѣ якъ свое рѣдное.

Айбо товариство „Просвѣта“ кромѣ того яло закладати и читальнѣ и библіотеки (склады книжокъ) по селахъ, обы весь нарѣдъ у селахъ мавъ розраду и науку у недѣли и свята, читаючи тоты книжочки. Въ каждѣмъ селѣ, где сѣбралось кѣлькохъ людей, что мали охоту до просвѣты, скликали они людей на собраніе (збѣръ), порадилися и выбирали съ межи себе старшину, або выдѣлѣ. Тотъ выдѣлѣ читальнѣ загнавъ письмо до головного Выдѣлу „Просвѣты“ до Львова и пересылавъ вкладки (гроши), а за сесе доставала читальня книжочки и газеты. Такъ повставала читальня. Помѣщали ю въ окремой свѣтлицѣ и тамъ сходилися всѣ члены и гости въ свята та въ недѣли. Письменнѣ (грамотнѣ) зъ нихъ читали въ голосъ тоты книжочки и газеты. Такъ творилося одне товариство читальнѣ „Просвѣты“ на селѣ. У бѣльшихъ городахъ, где бывъ судъ, ажъ сѣбралось найменше дванадцать членѣвъ „Просвѣты“, заосновали они филію. Просвѣты, або дочерное товариство „Просвѣты“. Она брала въ опѣку всѣ читальнѣ въ своемъ окрузѣ (вармеди) и была посередницею имъ въ каждѣй справѣ до головной „Просвѣты“ у Львовѣ.

„Просвѣта“ у Львовѣ выдавала книжочки для народу по 1.000 — 10.000 примѣрникѣвъ и розширяла по цѣлѣмъ краю тоты книжочки при

помочи склепѣвъ и людей. что брали ихъ на продажъ межи нарѣдъ. Читальнѣ и сельскѣ та городскѣ библіотеки одержовали ихъ задаръ. Такъ до 1876 року выдала „Просвѣта“ кѣлькодесять тысячъ тыхъ книжочокъ и мала вже 564 членѣвъ. Она зладила „Комитетъ для читалень“, котрый посылавъ своихъ делегатѣвъ на одкрытя кождѣ читальнѣ и дававъ порады у всякихъ справахъ. Першій календарь (мѣсяцесловъ) „Просвѣты“ выйшовъ въ 1884 року и 'зъ того часу виходить кождого року, теперь вже въ 30.000 примѣрникахъ.

Въ справѣ шкѣльной загнала „Просвѣта“ разомъ 'зъ политичною народною партією просьбу до министерства просвѣты, абы открыло нову руську гимназію въ Перемишлѣ. Така гимназія была тѣлько у Львовѣ, по 1888 роцѣ одкрыто руську гимназію въ Перемишлѣ.

Въ 1891 роцѣ розширила „Просвѣта“ свою дѣяльнѣсть змѣняючи уставъ товариства. Отъ того часу „Просвѣта“ обслуговала устно народъ економичными и культурными порадами, открывала філіи и читальнѣ, сельско-господарскѣ союзы, громадскѣ крамницѣ, ссыпанци, кредитовіи кассы, сельско-господарскѣ школы. Окремъ того подавала раду, где куповати сѣмень, машинъ и другихъ господарскихъ снарядѣвъ (серсамѣвъ), або сама ихъ селянамъ достатчала.

Вже 1895 року купила собѣ „Просвѣта“ великій каменный дѣмъ (хижу) на два по верхи (штоки) за 260.000 коронъ, якій передъ вѣйною мавъ вартѣсть три милліона коронъ.

На „Просвѣту“ яли записовати люде великѣ

записи и ихъ маетоу рѣвняся по въ милліона коронъ. Для господарскихъ работъ закупила она свои земельныя удѣлы въ Милованѣ и въ Угерцахъ Венявскихъ, где завела взорцевое господарство и господарскыя школы. Отъ того часу яла она еще больше працювати для народа, маючи свой домъ и свою землю.

За ото дбала, чтобы каждая филія, каждая читальня старалася за свою хижу. Бо красше развивалися тоты читальни, что мали свою хижу. Такъ хижи будовали члены своимъ трудомъ съ помощью товариства „Просвѣта“ у Львовѣ. А все читальни контролировали окремыя доглядачи або ревизоры.

Въ такомъ селѣ, где бывъ власный домъ, або хижа, помещено читальню, библиотеку, крамницю sklepъ (бывъ) кассу и ссыпанецъ. Туй сходився хоръ або драматичный кружокъ, котрый учився спѣвати; туй улажовали члены вечерницъ въ честь поетовъ: Шевченка и Шапкевича, что складали пѣсню про народну неволю. Тамъ творили курсы науки для неписанныхъ, чтобы все умѣли читати и писати; тамъ читали лекціи науки господарства для народа.

Такихъ домовъ приобрѣла „Просвѣта“ по верхъ 400, а заосновала больше якъ 540 крамницъ, 339 кредитовыхъ кассъ, 121 ссыпанцевъ. Тамъ утворилося 300 театральныхъ кружковъ, что дали кѣлькасоть выставъ зъ народного житя тамъ е по верхъ 200 хоровъ, что дали 600 концертѣвъ та вечерницъ въ честь славянскихъ патриотовъ. Въ роцѣ 1908. обчислено число кни-

жокъ для народа, выданныхъ „Просвѣтою“, на 2.315.115, а до топерь певно выдано 5 милліонѣвъ примѣрникѣвъ, такъ само число читалень 1908 року было 2311, а до войны поросло на 4000 читалень въ Галичинѣ т. е. каждое село мало одну або и двѣ читалнѣ. До тыхъ читалень высылала „Просвѣта“ часопись „Письмо 'зъ Просвѣты“ и „Просвѣтный Листокъ“, где записовалося въ газеты, что робить кожда читальня.

Айбо головна „Просвѣта“ у Львовѣ имѣла выдавати творы руськихъ письменникѣвъ, что писали пѣснѣ, оповѣданя, образки и дашто зъ житя народа пѣдъ назвою „Руська письменость“. Выдавала ихъ въ книжкахъ по 400—700 сторѣнъ по 2 короны въ красной оправѣ. Ихъ выдала „Просвѣта“ 117.000 примѣрникѣвъ. Въ кождѣмъ интеллигентнѣмъ домѣ, въ кождѣй селянскѣй хижѣ въ Галичинѣ можъ сострѣтити тоты виданя „Просвѣты“. Старіи и маліи читають ихъ и спѣвають пѣсни, написанѣ нашими поетами, тыми оборонцями народноѣ правды.

„Просвѣту“ можно назвати матерю руськихъ товариствъ въ Галичинѣ. Она пѣдготовила сѣть для товариства „Краевого Союза кредитового“ и поставила на ноги „Сѣльскій Господарь“, что подбавъ про пѣднесеня сѣльского господарства господарскими школами и доставою лучшихъ снарядѣвъ (серсамѣвъ) господарскихъ.

„Просвѣта“ поставила собѣ цѣль: Въ Галичинѣ не повинно быти ни одного неписьменного Русина, ни одинъ Русинъ не може статися ренегатомъ а се значить: ани Ляхомъ, ани Москалемъ. И сесе она осягнула вповнѣ. Теперъ „Просвѣта“ читаве

товариство : мае майже тѣлько членѣвъ, якѣ вся Подкарпатска Русь Руснакѣвъ ; мае маетку по-верхѣ 10 милліонѣвъ коронѣ въ домѣ и въ землѣ, мае філіи, что деякихъ маетокѣ сягае пѣвмилліона коронѣ, удержуе школы господарскѣ въ цѣлѣмѣ краю и торговельну школу у Львовѣ. Свѣй уставѣ засѣ розширила 1912. року. Приняла на себе одкрытя народного театру и кинематографу, организацію народныхъ праздникѣвъ, народныхъ, середнихъ и висшихъ школѣ, господарскихъ, промисловыхъ, торговельныхъ та ремѣсничихъ школѣ съ руськимѣ языкомѣ науки, где кожда дѣтина може учитися на господаря, купця, ремѣсника, урядника, попа, до чого дакто талантѣ мае. Матѣрь всему галицкому народови стала сесѣ „Просвѣта“. Тому и на Украинѣ заосновали таку „Просвѣту“ въ Кіевѣ и тамѣ она по цѣлой Украинѣ яла працювати надѣ просвѣтою народа.

Такѣ ци не треба и подкарпатскимѣ Русинамѣ брати собѣ примѣръ отѣ своихъ братѣвъ ? И подкарпатскіи русины мусѣть поднести просвѣту народу и зробити зѣ каждого Русина чоловіка свѣдомого свого права и обовязкѣвъ для свого народа. Но и мы зложѣмѣ такое товариство „Просвѣта“ въ Ужгородѣ, обы зоря была отѣ него на всю Подкарпатску Русь нашу. Товариство „Просвѣта“ Подкарпатскоѣ Руси въ Ужгородѣ ставить собѣ за цѣль : культурное и економичное поднесенѣя народа въ моральнѣмѣ и патріотичнѣмѣ дусѣ. Прото буде выдавати книжки писанѣ въ народнѣмѣ языкѣ, доступнѣмѣ кождому подкарпатскому Русинowi. Оно буде закладати філіи и читальнѣ, давати починѣ до

сполокъ и стоваришъ кредитовыхъ и продукційныхъ, а се: молочарныхъ, výroбу винъ, вырокѣвъ горѣлчаного, цукрового, пивоварного, млинарского, деревляного, ткального промысла и ремесла. Буде творити господарско торговелнѣ спѣлки, чтобы селянамъ стачити снаряждѣвъ, насѣнь, штучнихъ гноевъ, расовоѣ худобы и всякихъ матеріалѣвъ, удержовати гостинницѣ, продавати господарскіи плоды и výroбы ткального и деревного промыслу. Буде творити спѣлки, что будутъ помагати поправляти грунты (комасація), спѣльно уживати машинъ и снаряждѣвъ, та арендовати грунты и вырубовати лѣсы.

Товариство „Просвѣта“ буде давати починъ, чтобы по селахъ творилися музичнѣ и спѣвацкіи товариства и кружки, гимнастичнѣ и пожарнѣ **сокольскѣ дружины**. Буде закладати господарскѣ и промыслово-ремѣсничѣ товариства, школы и курсы, оибліотеки и музеи, буде стремѣти до утвореня одного національного музея и литературно-наукового кружка цѣлоѣ Подкарпатскоѣ Руси.

Буде будовати и удержовати народніи дома, где будутъ мѣститися товариства и спѣлки, уладжовати ся лекціи съ свѣтляными образами, вечерницѣ и аматорскѣ выставки театральнѣ та устроювати промыслово-господарскѣ и етнографичнѣ выставки.

Таку цѣль ставить собѣ наше товариство „Просвѣта“, якъ лишъ члены стануть токмити зъ собою, чтобы разомъ ити до тоѣ великоѣ цѣли. Членомъ може быти каждая особа руськоѣ народности зъ Подкарпатской Руси, кто буде пла-

тити 10 коронъ на одинъ рѣкъ. Май высшою властею товариства е загальное собраніе членѣвъ, котрое выбирае Головный Выѣлъ.

Найменьше дванадцать членѣвъ товариства „Просвѣта“ може заложити филию товариства съ дозволомъ головного Выдѣла, въ городѣ где е окружный судъ (ярашбирошагъ).

Въ кождѣмъ селѣ може завязатися читальня „Просвѣта“ съ дозволомъ головного Выдѣла, або Выдѣла филии, если найменьше 10 членѣвъ руськоѣ (малоруськоѣ) народности заявить охоту вступити до читальни.

Если бы товариство „Просвѣта“ Пѣдкарпатскоѣ Руси, розвязалося, то мае токъ товариства мае перейти на институтъ, что буде мати такіи сами цѣли просвѣты и пѣднесеня Пѣдкарпатскоѣ Руси.

Горнѣться отже, братья Руснаки, до отого хосенного товариства „Просвѣта“. Громада—великій чоловѣкъ, а zorganizована громада—собѣ господарь на своей земли. Якъ намъ розопреся свѣтъ передъ очима, испознаеме якое наше право, чого маеме сокотити, чого маеме домагатися отъ нашихъ властей, где правда, где кривда, что намъ вередить, что намъ хосенъ принесе.

Тогды утвориме свѣдомый себе народъ! И тогды будеме господами на своей земли, если всѣ будутъ знати, что чинити, якъ ити до красшоѣ доли. Памятайме что Іисусъ Христосъ сказавъ намъ ото великое слово: „Якъ знаешъ что чинишь — законъ есь ты самъ!“.

Ужгородъ, въ цвѣтнѣ 1920. р.

ОРГАНИЗАЦІЙНЫЙ КОМИТЕТЪ.

